

محل مطبعه و اداره :

جفال اوغلنده امنيت

صندوغي جوارنده

شنكول يقوشنده

۲۲ نومرو

مستطابق

امطارد :

مسلکمزہ موافق آثار

جدیدہ مع الممنونیه

قبول اولنور

درج ایدله یں آثار اعاده اولنماز

دیر ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و شئونه اسلامیه در بحث ایدر و لطفه ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلغی	غروش
۶۵	۳۵	۳۵
۶۵	۳۵	روبله
۱۷	۹	فرانق

عدد : ۱۱۴

۸ ذی القعدة پنجشنبه ۲۸ تشرین اول ۳۲۶

بشنجی جلد

کجی ، بر وضع تاثرله تفکر پرور
کورون ، قلبی تحریک ایدن اشیادن — بر
جای آرام ، بر آغوش سخین و طاهر
بر پناکاه صمیمی آرییورمش کجی — آہ
دونور ، صاپلانیور ہب قبویہ تیر نکاہ

بو ساکتانہ سرشکی دوائ غم صایہ لم
سنکھ شمڈی برابر برابر آغلایہ لم .
• تشرین اول سنہ ۱۳۱۹
تپہ دلی زادہ

کامل

روسہ خارجہ ناظر سابق ایزوولسکی

— ۱ —

بر آی قدر اول روسیہ نک پاریس سفارتہ نقل مأموریت ایدن
موسیو ایزوولسکی ، اقصای شرق انہزانی متعاقب ، روسیہ سیاست
خارجیہ سنی ادارہ بہ باشلامشدی . مشارالیہ ، روسیہ خارجہ ناظر لغندہ
بش سنہ بولونڈی . دیمک ، شرق اسلامینک صوک بحران و انقلاب برندہ ،
روس دیپلوماسی سنی چویرن ایزوولسکی اولمشدر . سلفی قونت لامتردورف
زمانندہ ، روسیہ نک یوزی یاقین شرقدن زیادہ اوزاق شرق متوجہدی .
روسر ، اقتصادی و سیاسی منفعتلرینی بالقانلردن ، اناطولیدن ، بوغاز-
لردن دکل ، مانچوریادن ، قورہ دن ، محیط کیر سواحلدن بکلیورلردی .
بولندن باشقہ روسلرک غربی قومشولری ، بر چوق سویلیہ رک ، حتی
رسلر بیلہ یاپہرق ، اونلری « صاری تہلکہ » دن پک زیادہ اورکو-
تمشاردی . روسلر ، قریب الحلول بو آقتک اوکنی آلق ایچون ،
صاریلرک یرلرینی ضبط ایدوب قوتلرینی قیرمق ایستیورلردی . لکن
صاریلرک عائلہ سنک کنج و دینج برعضوی ، بواسلاو و خرستیان ہجومنہ
موقیقلہ قارشق قویدی . روسلر ، صاریلرک یرندن بلی پی پرتی پی طویلایوب
کلدکری کجی کیری کیتیمہ یہ مجبور اولدیلر . ایزوولسکی ، وطنداشلرینک
بورالردہ یاپہ بیلہ جکی ایشلر چوق قالمادیغنی کورہ رک ، روسیہ دیپلوما-
سی سنک فمالیتنی اوزاق شرقدن یاقین شرقہ ، یعنی اوتہ دنبری روسلرک
ظفر ، شیان و شرف قزاندقلری تورکیہ ، ایران و حوالیسنہ نقل
ایتدی . بوجہتلہ موسیو ایزوولسکی پی بر آز طانیق اونک اعمالی بر
بارچہ اوکریمک بزمسلمانلر ایچون الزم ، ظنندہ یم .

لکن یاقین برماضی پی ، ہلہ برماضی سیاسی پی طوغری ، درست
بیلہ بیلک ، ہان ہان غیر قابلدر . کرچہ وقایع معظمہ میداندہ ایسہ
دہ ، اونلری احداث ایدن مؤثرلرک برچوغی ہنوز مستوردہ .
سنہلر کچہر ، مذکور مؤثرلرک تظاہرندہ مخدورلر اکسیلور ، اورتہ یہ
برطاقم افشاآت و وثائق چیقار ، ایستہ انجق اوزمان ، ایزوولسکی
نک خارجہ ناظرلنی ہنکامنندہ ، روسیہ نک دیپلوماسی تاریخی صحتلہ
تدقیق ایدیلہ بیلور . شیمڈی بزم یازاچقلریمز ، مطلقا خطالی واکسیک
اولہ جقدر .

قونت لامتردورفک موسیو ایزوولسکی یہ براقدینی میراث سیاسی ،
قیصقانیلہ جق کجی دکلدی : مغلوب براردو ، اختلال ایچندہ بر مملکت
ہیچدہ خیرخواہہ بکزمہ یم قومشولر ، نہایت بر آز اوزاقدہ
خصمنہ محب دنیانک ایکی بویوک دولتی ، انکلتزہ و دول متحدہ آمریکا...

خایر ، خایر ... نہ زمان بر تاثرم ، کدرم
اولوبدہ شویلہ خفیجہ صولانسہ دیدہ لرم
سر فلاکتی اوکشایوب ، سودن ... ہر آن
تماس نرم ولطفیلہ دردمی اوپوتان
اویوتنہ چالیشان نازلی بر ید اشفق
ید محبت اونی — یوق یوق — آرتق آچیہ جق !

خایر ، زواللی بلاکش پورہک خایر آرتق
چو جقجہ ، ذرہ قدر حکمی اولمیان اوفاجق
بر آرزومی کورونجہ اولانجہ راحت
— بتون حیاتی ، دنیاسنی ، سعادتتی —
فدایہ ، محوہ مہیا — رقیق و مستغرق —
ایکی نکاہ شفیق اوردن — آہ — باقیہ جق !

نظرم بر تعبت محتضر ہجرانلہ
دونور پنجرہ ایستہ یاغان بارانلہ
— قوجہ بر یازدہ قوراقلقلہ صولوب خستہ دوشن
وبتون توزلرہ ، طور اقلرہ مستغرق ایکن
شمڈی آرتق او آغر اقلری سیلکوب ، صاووران —
شو غریبانہ کولمسر کجی قارشمدہ طوران
باغین اشجاردہ ، اولردہدہ بر شی آریوب
ولمیان دیدہ حسرت اورالردندہ قایوب
کیدییور تادکزہ ایستہ بایرلر ، تپہلر
ایستہ ساحلار ، افقلر ! کوزہ چاربان ہر یر
برسکون الم آلود مناظر پوشک
زیر حزنندہ درین بر کدر خاموشک
بار صمتیلہ اینلر صاچیور ، بی درمان
ایستہ کریان بتون اشیاء ، بتون اشیاء کریان

دوک ای طبیعت مغمومہ طورمہ دوک دوک سن
دموع قلبی ، زیرا بودرلو کریہ فکن
بودرلو غملی مناظر ، بورنک حزن و کدر
ملال قلب حزینلہ پک توافق ایدر .
سہام قہرینہ چرخک بن ایستہ آماج
بن آہ کوز یاشنہ ہر دقیقہ محتاجم

« بویوک روسیه » عنوانی بر مقاله سنده شویله دیوردی : « آرتق بیلملی یزکه » بویوک روسیه بی احداث ایچون یالکیز بریول واردی : قوتی : « روس مدینتک تأثیر حقیقیسه مساعد بر قطعه به توجیه ایتک ، او » قطعه ایسه ، بوتون قره دکز حوضه سیدر . « (روسقایا میصل » مجموعه سی) - لکن روسیه ، قوتی ، روسیه مدینتک تأثیر حقیقیسه مساعد وعصر لر دئیری روس عسکرینک ظفر و شان میدانی اولان قره دکز حوضه سنده توجیه ایدر ، هیچ شبهه یوق که آوستریا ، آلمانیا و بلکه ده انکلتزه بی اوکنه حقیقه ش بولاجقدی . حق ، « نویه وره میا ، لر ، پتر استرووه لر ، « بویوک روسیه » یولی کوستر مه به باشلار باشلاماز ، آلمانیا مطبوعاتی جواب ویرمک ده اصلاً کجکمه مشلردی ، مثلاً قیصرک یاقین مشاورلرندن مسائل شرقیه ده کی اختصاصیه شهرت شعار پروفیسور شیمان ، « قروتس شایتونغ » ده ، « اکر روسیه یاقین شرق اطرافنده یک چوق دونوب دولاشیرسه ، صوکنده ، الله اسیرکسون ، برروس آلمان حربندن قورقیلور . طرزنده شدید و باز در اخطار به بیله لزوم کورمشدی . ایزوولسکی ، اجدادی طرفندن آچیلش « بویوک روسیه » یوانه کیردیکی حالده ، اتفاق مثلاً کجکمه مشلردی ، قورقه جنی پوصولردن صاغ سالم قورتولمق اتفاق مشایه بر آرقداشدها قائم ایسته دی : رفیق ، ثم الطريق ! . . . بواوزون و تهله کی طریقه رفیق اوله جق کیمسه نك « نویه وره میا » نك دیدیکی کبی زنکین و صاغلام اولمه سی ، حقیقه الزم دی . لکن ده بر قاج آی اول روس دشمنک دوستی اولان انکلتزه بورفاقه ناصل راضی اوله بیلوردی ؟ ژاپون محاربه سی اتناسنده راز دیستونسی دونماسنک یک قورقاق قوماندانلری ، شمال دکزنده بالق اولایان انکلیز قایقلری ، ژاپون طوریدولری صانارق آتشه طوتدقلری زمن ، هرکس ژاپون - روس محاربه سنک بر روس - انکلیز محاربه سیله بوداقلا نه جنی بکله یوب طورمش ایکن ، اوعدم امنیت وعدم محبتک بوقدر چابوق مبدل مخادنت اوله جغنی کیم بکلیه بیلوردی ؟

مع مافیه ، وقایع میدانه : روسیه و انکلتزه ، فرانسه نك ، دلالتیه بارشیدلر ، حتی چار چابوق دوست بیله اولدیلر : « انکلتزه نك فرانسه ایله عقد ایتدیکی فاس ومصر مقاوله لری ، آی « ایله بالینانک تقرینه طبیعی بر کوپری اولمشدی ، فقط انکلتزه روسیه « استلافی فکرینک چیز فله ایصالنده مشکلات عظیمه موجود ایدی : « هرکس بیلورکه ، شویله بر اون سنه اول روس - انکلیز تقریندن « بحث ایده جک دیپلوماتی چیلدیرمش دیه پارمله کوستیررلردی . « ایزوولسکی مشکلاتدن اورمکدی وقیصه بر مات ایچنده سعینک « ثمره سی طویلادی . طبعییدرکه بو استلاف عقد اولنورکن ، خارجی « ناظری ، یاقین زمانه قدر روسیه نك منافع حیاتیه سندن عد اولونان بعض خصوصاتدن کفید ایله مک اقتضا ایدیوردی . بونلر آره سنده « ایران ، شبهه سز ، ایلاک موقعی طوتیوردی . طرفین ایران ایشلرنده « اویشمده دن ، روسیه ایله انکلتزه نك استلافندن بحث بیله عبث ایدی . « ۱۹۰۷ آغستوس مقاوله نامه سی عقد اولوندی . ایزوولسکی ، ایران

واقعا فرانسه جمهوریتی ، چارلر سلطنتک متفق ایدی ، واقعا روسیه ایله آوستریا - مجارستان آراسنده بالقان امورینه دائر بر استلافنامه موجود ایدی ، لکن یالکیز فرانسه نك قوتی ، بوتون بو روسیه به غیر مساعد قوتلر هیئات مجموع سنده توازن ایده مزدی ؛ آوستریا - مجارستان ایسه ؛ بالقانلرده کی حرکته مانع اولمق ایچوندرکه روسیه نك الینی آاغنی بر مقاوله ایله باغلامه به لزوم کورمشدی ؛ یعنی روسیه و آوستریانک بالقان امورنده استلافلری ، منفعتلرینک ضدیتندن نشأت ایتشدی . حاصلی روسیه نك جهان صحنه سیاستنده کی موضعی یارلاق دکلدی ؛ بونکه برابر بوسبوتون وخیم ایدی ده ، دنیه من : آوروبای مرکزی دولتلری روسیه نك انک بجرانی زمانلرنده بیله ، ضعفندن استفاده به قالیشمادیلر ؛ آوستریا ، مورشته غ پروغرامنه صادق قالدی ، آلمانیا غایت اعتنا ایله بیطرفلغنی صاقلادی . تورکیه ، اتفاق مثله اولان میل طبیعیسنی میدانه اورمقده بلکه بر آرجسارت کوستره بیلمشدر ، فقط اوده بوندن فضله برشی یامادی . انکلتزه و آمریکا دولتلرینک ژاپونیا محبتی ایسه ، روسلره طوغریدن طوغری به اظهار خصومت شکنه اصلاً کیرمدی .

مع ذلک ایزوولسکی مقام نظارته کچر کچمز ، روسیه نك بوتون دنیا ده وهله آوروباده وضعیت سیاسی سنی تهله کی بوله رق وعلی الخصوص اتفاق مثلاً کومه سندن یک زیاده قورقه رق ، هان متفکر آرامه به چیقمشدر : « محافظه توازن ایچون ، روس - فرانسر اتفاقی یکی بر « عامل قوی ایله صاغلاملاشیرمه لزومی آشکاردی . بویکی عاملک میدان « انتخابی غایت محدود ایدی . روسیه نك ایدن ایی به ضعیفلمش اولما . « سندن دولایی ، روس - فرانسر اتفاقه صوقیله جق دولتک مطلقا « چوق یاره لی وعلی الخصوص قوی دونمالی اولمه سی شرط ایدی . « آوروباده ایسه بوشرائطی حائر آنحق بر دولت واریادی : انکلتزه . « (ایزوولسکی) - « نویه وره میا » ، ۲۲ ایلول ۱۹۱۰)

ایزوولسکینک محضا محافظه توازن ایچون ، تعبیر دیکرله اتفاق مثالی ، اتفاق مثلاً تعرضندن صیانت ایچون اوچنجی بر متفق آرامه به قالیشمه سی وشرائط لازمه بی حائر اولمق اوزرینه بویوک بریتانیا دولتی بولمه سی ، روس سیاسی محررلری طرفندن اوکه سورولمش بر نظریه در . حالبوکه ، بر آزیوقاریده ایضاح ایتدی کمز وجهله روسیه نه دید و تهله کی به معروض دکلدی . ایزوولسکی ، اتفاق مثالی ، تثلیثه تثبت ایده رک ، روسلرک دیدیکی کبی تاسیس موازنه به چالیشمیوردی ؛ بالعکس ، روسیه نك بر چوق زرهلرله برابر اقصادی شرقده محیط کیرک طالعه لری آلتیه کومولن شرف ونفوذینی ، یاقین شرقده تعمیر واعاده به یارایه جق برواسطه آرایوردی . ذاتاً ، مانچوریا فلاکتک فرداسنده ، روس مطبوعاتنک ، انک محافظه کار وشوه نندن ، انک ترقی پرور وحراندیشه قدر ، جمله سی حکومتلرینه بونی توصیه ده ، یکفکر ویک آواز ایدیلر ؛ مثلاً اوتهدنبری طرفدار حریت اولمله کسب شهرت ایتمش وروسیه ده اعلان مشروطیتدن اقدام چار حکومتنه تعرض قصدیه فرانسه و آلمانیا ده غزته چیقارمش برذات ، پتر استرووه ،

« و افغانده کی مساعداقی سایه سنده ، روس — فرانسز — انگلیز ، ائتلاف مثلثک حصولی دائرة امکان ایچینه سوقشیدی . »
(« ایزوولسکی » — « نویه وره میا » ، ۲۲ ایلول ۱۹۱۰)

ایزوولسکینک خارجیه نظارتندن چیقمه سنی متعاقب ، روسیه نك ائک معتبر بر جریده سی طرفندن ، باش مقاله اولوق اوزره یازیلش بالاده کی سطرلر ، ائتلاف مثلثک ، پارچلانمش عالم اسلامک قانیله برکتلنمش اولدیغنی آچیقندن آچیغه کوستریوز . اوت ، انگلتره — فرانسه ائتلافی افریقای اسلامینک تقسیمندن چیقمشیدی ؟ روسیه — انگلتره ائتلافی ده آسیای اسلامینک تقسیمندن نشأت ایتدی .

انگلتره یی روسیه ایله اویشمه یه سوق ایدن ائک مؤثر عوامل ، انتباه اسلام وجر منلکک شرق اسلامیده قزاقمده اولدیغنی نفوذ اولمشدر . بو خصوصلری ، اولجه (« آلمانیا ، انگلتره ، تورکیه و عالم اسلام . » — « صراط مستقیم » نومرو ۱۰۱ ، ۱۰۲) مدار بحث ایتش اولدیغمن ، بوراده تکرارینه لزوم کورمیورم .

آغستوس مقاله نامه سنک مواد علیه سی یالکزی مرکزی آسیادن یعنی ، ایران ، افغان و تبت دن بحث ایده رک ، بورالرده انگلتره و روسیه نك دائرة نفوذلرینی ، وضیعت متقابله لرینی تحدید و تعیین ایله اکتفا ایدیوردی ، مواد مذکوره یه نظراً ، مقاوله نك یاقین شرق امورینه ، یعنی قسماً اوروپاده بولنان تورکیه ایشلرینه تعلق یوقدی . بناء علیه ایزوولسکی ، بومقاوله ایله روسیه یی انگلتره نك حیل و اعمالندن انجق آسیای مرکزیده سیغورطه ایتش دیمکدی . حالبوکه ایزوولسکینک اصل مقصدی ، یوقاریده سویلیدی کمز وجهله انگلتره یی ، اتفاق متشایه بالادخال اکتساب قوت ایده رک شرق قریب میدانده ایستدیکی کبی آت اویناتمق ، روسیه چارلغنک شرق بعیده دوشوروب قیردیغنی ظفر اکلایلرینی ، بورالرده بردها قزاقمده . آغستوس مقاله نامه سنک مواد خفییه سی اولوب اولمادبغندن هنوز خبردار دکلز . آنجق آسیای مرکزی ائتلافنک عقدندن بر آز صوکره روسیه بالقان سیاستنک هم کسب فعالیت ایتدیکی ، همده طرزینی دکشیدردیکی میدانده در . اولجه روسیه دیپلوماسیسی بالقان یارم اطه سنده آوستریا محارستانه آباق اویدروب ، مورشتهغ پروغرامی دائره سنده حرکت ایدیوردی ، صوکره لری ، لوندره ایله آغز برلکی ایدوب ، الاله کیتدیکنی کوردک .

لکن موسیو ایزوولسکی ، بحر سیاه حوضه سنده فعلی اوله رق ، نه قازانمق ایستیوردی ؟

بوکا دائر بر چوق سوز اولدی : بعضیلر بوغازلرک آچلمه سنی ، دیدیلر ؛ بعضیلر ، خنکار اسکله سی سیاستنک اعاده سنی ، دیدیلر ؛ بعضیلر ده — مثلاً دوما منبرنده شدتلی تنقیداتیه ایزوولسکی یی اپی اورسه له یین مخالفین فرقه سی رئیس مولیقوف کبی — خارجیه ناظری نه ایسته دیکنی کنیدیسی ده ایجه تعیین ایده میوردی ، دیدیلر ... روسیه خارجیه ناظرینک تورکیه علیه نه بسله دیکی آمالده وضوح تام اولوب اولمادیغنی ، هنوز بیله میز ؛ زیرا ، او آمالک قسم اعظمی قوه ده

قالمشدر . انجق موسیو ایزوولسکینک شرق قریبده ، بویوک ، پک بویوک ، بوتون او اقصای شرق مغلوبیتلرینی اونوتدیره جق قدر نافع ، مانچوریا صحرالرنده ، چین دکزلرنده روسیه سیاست وعسکرلکینه سورولمش قاره لکینی ازاله ایده جک قدر پارلاق بر موفقیت قزاقمق ایسته دیکی شه سزدر .

ایزوولسکی ، انگلتره ایله اویشه رق ، بالقانلرده مورشتهغ پروغرامنه پک اهمیت ویرمه یه باشلاینجی ، آوستریا — مجارستان خارجیه نظارتی ده مستقل وسربست حرکت کنیدی حقلی کوردی . ایزوولسکی ده بر شی یامه یه وقت بولامدن اول ، ارنثال ، شیمدی رقیب اولان اسکی دوستنک اوکنه کچهرک ، معهود سنجاق شمندو — فری پروژه سنی اورته یه آتدی . بونک اوزرینه روس مطبوعاتی قیامت قوپاردیلر ؛ ارنثال ، روس — آوستریا مقاوله سندر عایتسزلک کوستردی ، بزم خارجیه نظارت مزله قونوشمده دن ، اوزلاشمده دن ، حرکت ایتدی ، آراق مورشتهغ پروغرامی ، آوستریا طرفندن بیرتیلوب آتلمش اولدی ، دیدیلر ، طور دیلر . لکن طوغریسی سویلمک اقتضا ایدرسه ، مورشتهغ ائتلافنک تقضنده ایلک خطوه ، روسیه خارجیه ناظری موسیو ایزوولسکی طرفندن آتلمشیدی ؛ بو حقیقتی ، موسیو مولیقوف ، دومانک ۲ مارت ۱۹۱۰ جلسه سنده ، ایزوولسکینک یوزینه قارشى سویلمشدر :

« بزم خارجیه نظارتی او ائنده مورشته غده منعقد روس — آوستریا ائتلافی آقنسیسندن ، روس — انگلیز ائتلافی جریاننه کچهرک بالقانلرده ده افعال برسیاست تعقیبده باشیوردی . بوتحولک مبدای ۱۹۰۷ « سنه سی آغستوسنه قدر چیقار . او هکامده ، ایمپراطورلرک (سوینه « مونده) ملاقاتی واقع اولور . پرنس بولوف ایله ناظر ایزوولسکی « اوراده طول مدت قونوشورلر . ما کیدونیاده اصلاحات عدلیه نك « انگلتره و روسیه افکارینه موافق صورتده تطبیق ایچون آلمانیا « و آوستریا دیپلوماسیسنک اقناعنه چالیشیلور ... » (دومانک اوچنجی دوره اجتماعیه سنک آلتیشنجی جلسه سنک ضبطنامه رسمیسی . — صحیفه ۲۷۶۲)

دیمک ۱۹۰۷ سنه سی آغستوسندن اعتباراً (روسیه و انگلتره نك آسیای مرکزی یه دائر مقاوله لرینک عقد اولدیغنی تاریخ) ما کیدونیا ایشلرنده ، تورکیه نك استقلال و تمامیت ملکیه سنه ائک مضر اولان « اصلاحات » ک تطبیق ایتدیرلمسده ، روسیه و انگلتره ایله برلکده چالیشیلورلر و مقصدلرینه آوستریا و مجارستان ایله آلمانیای ده اشتراک ایتدیرمک ایسته یورلر . لکن بولوف ، طوزاغه طوتلمادی ؛ ارنثال ایسه ده له غاسیونلرده ایراد ایتدیکی پک معروف نطق ایله (۲۷ کانون ثانی ۱۹۰۸) بالقانلرده صلح پرورلکینی اظهار و سنجاق شمندو فری تشبثاتی رسماً اعلان ایلدی . او ائنالرده تورکیه سلطانی ، اصلاحات عدلیه یه بردرلو روی رضا کوسترمیوردی .

ایشته بو آندن اعتباراً ، موسیو ایزوولسکی ایله بارون ارنثال آراسنده ، ایکی ، اوچ سنه سوره جک ونهایت ایزوولسکی نك مغلوبیت

یاواش یاواش اکسیلیدیکی ایچون سیر وسفردن فراغتہ مجبور اولدم . دعوتکزه اجابتله بازسه قدر کلیشم بنم ایچون ایکی قاتلی بر بایرام اولیور؛ چونکه بن بو مملکتده شبا بمک اک کوزل دورلرینی کچیرمشم . احوال سیاسیه کزی نصل بولدیغمه کنججه : کورویورم که بو کون قوتلی بر بحران کچیریورسکز . انجق بو بحرانک شدتی اوتهدن بری ذهنمی اشغال ایدنلر درجه سنده دکدر .

مصرده حسیات وطنپورانهک اولمديکنه ، حیاتهده بولندیغمه ، کنديسنی قهر ایتک ایچون ایجاد اولنان مشکلاتی اقتحام ایلدیکنه - بزم انکلیر حکومتک مظلومه ، تضییقاتنه رغماً - اوتوز سندن بری حزب وطنی نک بقاسندن بیوک دلیل اوله ماز .

هیچ شبهه یوقدرکه حریت دوری که جکدر ؛ هیچ شبهه یوقدرکه مصرک استقبالی مصر کنجلیرنک کوستره جکی ثباته ، شجاعتنه باغلیدر . صاقین مایوس اولمیکز . انکلیرلر سزه ظلم ایدیورلرسه امین اولیکز که بو حال دوام ایدهمیه جکدر . مصر طریق ترقیده بر چوق ایلر بلدی . ماهیتی جهان متمدنک نظرنده تجلی ایتدی . آرتق آسیانک ، یاخود آفریقانک تا ایچریلرینه کومولوب ، خارجدن هیچ برامیدی قالمایان ، حکامک اداره کیفیه سی آتنده ایکلیوب طوران ممالک بعیده حقنده روا کوزولن معامله یی مصره تطبیق ایتک قابل اوله ماز .^۱ ذاتاً اروپا سزه قارشى بویه بر معامله نک تطبیقنه مساع کوسترمز . اونک ایچون عقلمکزی باشکزه آلیکز .

شونی ده بیلکیز که سزک بو حرکتکزی کبی عظیم بر حرکت انجق قربانلر ، شهیدلر ویرمکه ثمره دار اوله بیلیر . حریتکزه نائل . اولمق ایچون هم وطنداشلیکزه آره سنده کی مجاهداتکزه ، هم ممالک اجنبیه ده کی حرکاتکزه دوام ایتمکدن باشقه چاره یوقدر .

عقوبات سیاسیه یی استخفافه نفسلریکزی آلیشدریکز ؛ قونفره - کزی حر مملکتلرک پای تختلرنده عقد ایدیکنز . البته اروپا سزکله بزم آره مزه کیره رک بر حکم ویره جکدر . اکر عزیمکزه ثبات ایدرایسه کر سز دعوا کزی قازانیرسکز ؛ بزانکلیرلرده تحت تصرفزده اولمایان بر مملکتده قانونه مخالف^۲ و سائطه مراجعت اضطرارنده قاهره حیثیتزه هیچ موافق اولمایان بر در که یه ایندی کمزدن طولانی اوتانمایه مجبور اولورز . مصر آروپا قانون دولیسنده مصرح اولدینی ، اعتراف ایلدیکی وجهله بر ولایت عثمانیه در . اونی ممالک مزه الحاق ایتهمزه اصلارضا کوسترلیه جکدر . بناءً علیه حکومت عثمانیه موجود اولدقجه مصرده کی موقعمز متزلزل اولمقدن قوریتله مایه جقدر .

بنم شورایمه مخالفتده بولنانلر ایچون یالکز اروپا خریطه سنه ، برده بحرسفید ساحلنده کی مملکتلره عطف نظر ایتک کافیدر . زیرا اوزمان کوریه جکدر که سویس قنانه حاکم اولان مصر بتون ملتله ، خصوصیه انکلتربه نسبتله اک مهم بر مرکزدر . هیچ برانسان تصور اولماز که بودولتلر دیگر بر دولتک الی الابد بوراده ثابت قالمسنه ، صاحب نفوذ اولمسنه مساعده ایتسون . شرقک هند دکزلرینه چیه جق قیوسنک اناختارینی بودولتک الله تسلیم ایتک کندی تجارتلری ایچون

کامله سیله نهایت بوله جق سیاسی دوئللو باشلادی . دوئللو میدانی بالقان یارم آطه سی وقره دکز حوضه سی ایدی . درئللونک مسیبه ایسه ، بونجه زماندر ، بتون غرب قوالیه لرینی جذب و تسخیر ایدن اوکوزه لم شرق ایدی . بنابرین ایزوولسکی - ارنستال نزاعنک صفحاتی سیرایتمک شرقیلر ایچون لازمدر . کله جک مقاله نک زمینی ایشته او دوئللو ونتایجی تشکیل ایده جکدر .

آ. ی

مصر و عالم اسلام حقنده

انکلیرلرک سیاستری

مصرده چیقان (العلم) جریده سی ویلفرد بلانت اسمنده بر انکلیرک حزب وطنی به فارشی ایراد ایتش اولدینی نطق نشر ایدیور . غایت اهمیتلی کوردیکمز ایچون ترجمه سنه چالیشه جفر :

بکا قونفره کزک ریاست فخریه سنی تکلیف کبی بیوک بر شرف بخش ایتمکزه قارشى او قدر متشکرم که درجه سنی تعییندن لسانم عاجزدر . انکلیر ملتدن اولدیغم حالده مصر کنجلیرنک حقمده محکم بر اعتماد بسلاکلیرینه بو دعوت اک جلی بر برهاندر . نه فائده که تعقیب ایتمکه اولدیغمکزم مقصده ده بویوک بر عزم ایله خدمت ایده بیلیمک ایچون بویه اختیار دکل ، کنج اولمی ایدم .

شیمدی آلمدن کله جک خدمت چیزمش اولدیغمکز پروغرامه تمامیه اشتراک ایتک ؛ بو پروغرامی قبول ایتدیرمک ایچون نه کبی وسائله مراجعت لازم که جکبی بیلدیرمک ؛ مصره عائد مسئله لرده بنم نه انکلتره لی نه ده اوروپالی اولمادیغمی ، بلکه عزم واطمیناننده ثابت بر همشه ریکز اولدیغمی بر کره ده بوتون عالمه آ کلامقدر .

پک اعلی بیلیرسکز که بنم مصر مسئله سنده کی رایم بواشارله اوتوز بش سنه اوغراشدقدن ؛ انکلیرلرک مملکتکزه کیره رک شیمدی به قدر قالمیری ایچون چویردکلی دولاباری ایجه آ کلا دقدن صوکره حاصل ایتدیکم راید . اونک ایچون بو کون چیه یقوب ده کنیدی مصرلی کوستریورسهم هیچ شایان تعجب کورلمه ملیدر . بن ۱۸۸۲ ده حکو - متمزه قارشى سزی پک چوق مدافعه ایتدیکم حالده اسکندریه حادثه سنک ظهورینی منع ایده میهرک یاسمندن ، اسفمندن هونکور^۳ هونکور آ غلامشدم .

بو آجیقلی زمانلردن صوکره حزب وطنی نک ایکی کره جانلاندیغی کوردیم . برنجیسی شیمدیکی خدیوک حکومتی کچدیکی ۱۸۹۲ صره لرنده در . او وقتلر خدیوک قلبی حیثه ، وطنپورلرکله طولو ایدی ، آره صره بکا اسرارینی تودیع ایدردی . لکن چوق کچه دن لورد قرومرک تضییقیله همته ضعف کادی . ایکنجیسی ده سزک کنج خطیبکز مصطفی کامل پاشانک حین ظهورنده در .

ایشته بن سزک حزبکزی ایکی دفعه سنده ده صمیمی اوله رق سلاملامدم^۴ . ایکیسنده ده دست معاونتمی اوزاتم . لکن قوای بدنیم